

A Monthly Christian Magazine


AN ORGAN OF THE ZOU PRESBYTERIAN CHURCH SYNOD

Christian Tangkou

ဃုမ္မာဂမ္မာတဲးမိး တဲးမိးမိးမိး

Vol. 57 || No. 9 & 10

Sept - Oct, 2021



Editor: Rev. Khamchinkhai

Synod Kumpoon:

[Mathiu 6:10]

NA GAM HING TUNG HEN

Khristian Tangkou

Vol. No. 57 || Issue No. 9 & 10 || Sept. & Oct., 2021

A sung thu

Editorial Board

Editor : Rev. Khamchinkhai - 8730933744
 Joint Editor : Rev. Dr. Hangpi Maunlun - 9862910875
 Cir. Manager : Upa Jamsianmung - 9862086615
 Bus. Manager : Upa Kamgenpau - 8974612937
 Ms. Niangkhanmang
 Nh. Tracy Niangsuannuam

Cont. Editors : Upa Khupsuankham - 9856406454
 Rev. Awnkhanhup - 9862828921
 Rev. Thangboi Khuongsai - 8119957887
 Rev. Khamminlian - 8414998542
 Rev. P. Ginzalal - 8131814376
 Upa Dr. M. Lachinkhai
 Upa Jamgenthang
 Upa M. Lianminthang

ZOU SYNOD ULIENTE

- **Moderator:**
Rev. Kapsuanthang
- **Moderator Elect:**
Rev. Mangmuanthang
- **Secretary (Sr):**
Upa M. Kamzadou
- **Secretary (Jr):**
Upa Chinsuanthang
- **Treasurer:**
Upa M. Sianzahau
- **Statistician:**
Upa Suankhanmang
- **Executive Secretaries:**
Rev. Khamchinkhai
Rev. Dr. Hangpi Manlun

- Editorial..... 01
- Thu tuomtuom & Thumpi ding 02
- Na Pasion tuoh ding in mansan um in..... 03
- Be leh phung uongbawllou ding.... 07
- Bible Study 09
- Committee chieng a um ding dan 11
- Sawmakhat lut dan 21
- ZPYF Column 22
- ZPWF Column 24

Copies - 1200

AMAN

Kumkhat ah	- ₹	100.00
Post ah	- ₹	200.00
Copy khat ah	- ₹	10.00
Life Member Fee	- ₹	1,000.00
Patron Member Fee	- ₹	2,000.00
Memorial gift	- ₹	2,000.00

Thusuo zosie Editor leh Zou Synod ngaidan ahi kimsih a, a suotute'n maw a kipuoh chiet ding uhi.

Thusuo dingte Editor kung a pieh ding ahi.



Guest

Editorial

- Rev. Awnkhankhup

I Khristian Tangkou simtute zousie i Mangpa Jesu min in chibai ka hing buh hi.

Kum chin a i bawl zel bang un September ha khu Sepguol i zah hun uh ahing hi kiata hi. Natna hiipi leengte ziehin mun khenkhatte ah dei bang tah a zang theilou pawl bang i um mai thei ding ua, tuabang ahi lai in Pasion umpina tang in, a tamzaw thamten hoitah in i zang thei uh chi i thei ua, lungdam huoi i sa mama uhi. Thamlou in, khopi sung leh singtang mun khenkhatte ah Innvena bang a zang in nuom tah leh tuitah chiet in i zang thei uh chi a thu mai zong hilou, a limte bang zong i na mu thei zel ua, manpha leh thupi i sa mama uhi.

Tambang ahilai in, i thupi uh “**Na Gam hing tung hen**” chi pen bangchi bang in i gen un i sut uoi chi leh bang tan a theisiem in i phattuompi uoi chi eima leh eima kidong tha zel ding in i kingen ut uhi. I mimal, i innsung uh leh i gamsungte ua sietna leh sil hoilou hing tung zelzete khu bangma dang zieh hilou zaw in, Pasion Gam i lah ua ahing tun nailou zieh ahi chi i theisiem ding uh a poimaw hi. Pasion thu in i hinna, i innsung leh i gamsungte a mun sangpen tang a a guolzaw hun chiengin, i lah uah Pasion Gam a tungta china ahita ding hi.

Pasion Gam i lah ua a hing tun chiengin, gingtuten Pasion ah kipahna hinkhuo i neita ding ua, tahsa deidan leh khovel silte ngainep theina nei in, mit a mu theilou Vanlam thuten i hinna a thuzawta ding

hi. Tuachiin i nichin hinkhuo leh gamtatnate uah Pasion deilam, Van a miten a bawl zel bang uh i bawl theita ding uhi. Pasion Gam hing tun zieh in i innkuonpite leh i lawm-le-guolten zong nuomsa in, ei a hing tung Pasion Gam zieh leh zal azou theita ding ua lamdang sa in Pasion a pahtawita ding uhi.

Thy tuomtuom leh Thumpi dingte



1. Pasion kithuopina toh Myanmar gam buoina zieh a buoina tuoh i Hattuompite uh Zo Presbyterian Church Synod, The Presbyterian Church of Myanmar panpina ding a Hattuom chin in i donkhawmte uh Synod in kibelap in Rs. 1,00,000 (Dangka lakh khat) piehkhietna Moreh khuo ah dated 31st August 2021 in kinei thei a, tuanah amau lamte hasatna tuomtuomte kikupkhawmna kinei hi. Tam houlimkhawmna apat in panpi ngai mama uh ahi dan mukhiet ahia, Synod in amau toh sepkhawmna (partnership) sutzop kia ding zong kilunggul ahizieh in amaute a ding in zong thumpi chiet va ui.
2. Myanmar gam kivaihawmna Sepai thahatna toh lahpieh ahi apat tuni tan a zalenna ding suol a mipite panlahna Pasion mapuina toh ahing lawchin theina ding un I thumna uah thumpi chiet va ui.
3. Afghanistan gam vaihawmna Taliban Helpawlten a lahpieh zou un Pasion thu awi Khristian te soisahna siltung mu ding social media apat mu in a um zel a, amauten zong Pasion a bieh ding bangtah ua a bieh theina ding un I thumna uah thei chiet va ui.
4. I gam vaihawmna dihrou zieh leh Covid 19 zieh a Biehinnte luolum theitalou leh Pasion I bieh ding bang tah ua I bieh thei nawnlou nua un tu in hing kihong kia panpanta ahina ah Pasion kung ah kipah thu gen in maban ah tam leitung a kizautuona

natna (khat leh khat ki vaidawn theilou phiel a hing koi) Covid-19 ahing bei sieng theine ding in thum chiet va ui.

5. Pasion mapuina toh Tunnu limbel a naupang I chawmte uh lah a khat Nh. Lydia Niangngaiching in tu kum 2021 Pawl sam laivuonna (Class-X Examination) ah 1st Division a ahing lawchin tah zieh in Pasion kung ah thumpi va ui. Tualeh tu in Pawl sam a zaw toh kituoh in aman Tunnu Limbel Home nuasieta ahina ah maban a kalsuon ding dan Pasion deina bang a ahing zah a lawchinna a hing nei semna ding in thumpi va ui.
6. Kum chin a I bawl bang un tu kum sung a Presbytery chin apat Upa tel thate kisinsahna (Orientation) ahing tung ding October 26, 2021 (Tuesday) chieng in Synod Office ah um ding ahia, tuanah Hattuum Upa ding a telching thate zousie tel kim chiet ding in I kitheisah uhi. Tua ahi toh kituoh in Hattuumten zong amaute Pasion gam nasepna a zah thei mama mi ahing hi theine ding un thumpi chiet va ui.
7. I Synod sung a Lai Siengthou zil (Theological Student) umten lawching tah a hing zaw chiet theina ding uleh hagau leh tahsa a damtah a ahing zaw theina ding un thumpi chiet va ui.

NA PASIAN TUOH DIN MANSA IN UM IN

Amos 4:12

-Rev. Awnkhankhup

1. Thumapui: Amos min umzie khu ‘Puohgihpuo’ china ahia, a min puoh dungzui in Israel khelna zieh a Pasion vaihawmna leh gawtna hing tung dingte amu masah zieh in a puoh a gin mama hi. Amos khu Juda gam sung a Tekoa khuo a ganching tu leh theihuon bawltu ahi. Pasion in Israel gam a guolnei nasem ding a aht ahia, ama hunlai in Juda gam ah Uzziah in Leng vai ahawm a, Israel gam ah ahileh Josh tapa Jeroboam in vai ahawm hi. Khum hunlai khu Israel gam mite hausat laitah, sakho lam leh khotang hinkhuo lam a hoi akisah hun lai tah uh leh, galmuong a aumlai tah uh ahi. Tam hunlai in mihausaten mi tasam leh genthei te tuonden in a bawl genthei ua, galmuonna a chikhem na ua atah tah hilou, ahem ahizaw chi khu Amos in a mudan ahi. Tuaziehin, Pasion in Israelte tung ah thukhenna leh gawtna hing tungsah ding ahichi in khawhsahna

lienpi tong hangsan tah in thu ana gen hi. A thugente a ngaisah tuomlou phet un, guolnei amos in thutawp gen in, *'Aw Israel na Pasian tuoh ding in kimansa in um in,'* chi in ahing kikou kheta hi.

2. Pasian in Israel kung ah

gennuom nei : Zawlnei amos hun bei zou kum 50 vel nua in, zawlnei Isai zang in pasian in ami Israel tye kung ah khauzaw sem in thu ahing genkia ta hi. Israel te khu Pasian in tate bang a avah khanglien hina pi uh, a Pasian tung uah a hel ua, ganta ten apu anpieh na mun leh hun athei bang un Israel in ngaitua ngailou in thei zong atehi sih uh chi zong imu uhi (Isai 1:2, 3). Tualeh Israel khu, grephuon gentena zang in a hin gdemkia a, lam etna lientah nei a grepgui hoipen a suon hinapi grep hem (athuo) hin gta tami ahidan ana gen kia lai hi. Tuachin a bawl dingdan tuon thei nawnlou ahiman a ahuom imna dai ling phelsie a suse ding ahithu a gen zom hi (Isai 5:1-7). Tambang hun in Pasian in a khawmpite uh leh a nimante uh ban ah, a kithoina sillatte uh zong pawmlou ahidan leh ama a ding a, kidah huoi ahi thu a gen a, a thungetna te uh zong ngai khelou ding ahidan a hil hi. Asil hoilou bawlte uh tawpsan ding leh, ki susiengthou a silhoi bawl kizil ding in ahanthawn hi (Isai 1:12-17).

Tuni hun in ei gingtu te lah ah zong, biehinn hoi tahtah lam in, Khawmpi thupi tahtah te ibawzel ua, thu leh la ah zong masawn in, silpieh lam ah zong i kiphal uni phatuom ngai thei mama ta uhi. Tuabang hinapi Israel te mabang in, sunglam tahna leh dihna nei loupi a tuabang a hapan leh phatuomngai ihi khah ding uh zauhuoi isa mama uhi. I Pasian deilam ngaitua leh semkhalou pi in, eima hoisah bang leh phattuom ngaina maitoh ama bie in mangpa na isem kha dinguh chi a zauhuoi mama hi,

3. Pasian tuoh ding a mansa a um

ding dan : Pasian tuoh ding a iki sahkholna ding a sil poimaw leh alouthei lou a itheite tambang in i gen ding uhi.

- i). **Jesu nei in :** Jesu nei loupi in Pasian kituohpi theilou ding ihi chi ithei masa ding uhi. Aziehpén, Pasian in khovel mihing te vai ahing hawmsah hun chieng a i poimaw pen ding khu a tapa Jesu Khrist ahi. Amabou khu Pasian kung tun theina lampi umsun ahi zieh in (Joh. 14:6). Tualeh a tapa Jesu Khrist khu i Pasian a ding a a kipahna mama leh a lungkimna pen ahizieh in i nei ngei ngei ding a poimaw ahi (Mat. 3:17). Pasian masang a i khelnate hin glah mangsah theitu Jesu bou ahi (Rom 8:34; Heb. 10:17). Pasian i kituohpi chieng a, a chinglou eite hing gensah tu ding ahizieh in Jesu i nei ngei ngei ding a poimaw

hi. Laphuoh siem **Isaac Watts** la,
'*Ka Mangpa hi ken zumpi ding*'
chi a tang 4na ah,

'Ka min sie khu Pasion ma uh,
Jesu'n panpi van in;
Van a Jerusalem tha ah,
Tenna hing siem sah va'

chi in isa uhi (Labupi 344).
Tualeh Laphuohthu dang khat
kia **Gowper** kichi pa'n Labupi
99na ah, '*A sietna leh a khelna
teng, lung in milta vang e; Mi
zatam din kavon khapham, Tung
Pasion in achi*' chi in ana genkia
hi. Miten khovel gou manpha pen
te sang a Jesu na tel zaw zel uh
ahidan Sap lasiem minthang **Jim
Reeves** in asah '*Id rather have
Jesus*' kichi, ei ham in '*Jesu nei ka
nuomzaw, Gou lul pen sang in*'
(Labupi 27) kichi apat a mu thei
hi. Tam laphuohthu khu koima dan
ghilou in, **Sweden** leh **Norway**
Leeng tapa (Prince) **Oscar C.A
Bernadotte** ana hizaw hi. Jesu nei
ma manpha in poimaw pen hi.

ii). **Ki susieng thou in : Hebrute
12:14 na** isim leh sienthoua lou
a koiman Pasion mu theilou ding
a, zong kituopi ngamlou ding ahi
dan i mu uhi. Belam nou melhem
lou leh gen banglou Jesu Khrist
sisan a kithoite ihi man un, tulai
khovel sietna te lah apat a hing
veng in a hing kemit zou mama
ding chi i thei uh a poimaw hi.
Israel te te Pasion toh kimu tuo
ding a a kisuh siengthou lai un,
Pasion in Mosi tung tawn in

gamgi khunsah in, a phah theina
ding tan uh leh a khoi thei ding
tan uh gamgi a bawl sah hi (**Exo.
19:12**). Tuabang sienthoua
panglou in Israel ten Pasion
maituo theilou ding ahizieh un,
theitawp suo in a ki susiengthou
uhi. Tuni hun in ei gingtute lah
ah zong i kisuh siengthou na
ding lam tuom tuom a um tham
tham ding hi, i sil et dante, i khut
a i tham khah leh i sepkhieh te
ban ah i tahsa i zah dan te ah,
i siengthou in Pasion deilam in
i kizang ngei ngei ding uh ahi.
Masang deu lai a kungfu siem
minthang Bruce Lee khu a melma
teh ahina leh ahatna ziehte thei
nuom in a suohpa thu a dong ua,
ama pan zong bang zat ama khat
a genzou nua in, gen utnawn lou
pawl khat nei ahiman in tam
bang in thu ahing gen a kichi
hi. Sapham in, '*There is a point
I should not go beyond*' tuakhu
ei hama let ding hita lei, '*Ka gen
ut lou leh gensienglou chiengtan
khat a um hi*' chi ahi. Mimal
khat nuoi a suoh nasem khat in
tam bang a gen theileh, ei Pasion
hing suoh leh a nasem ten zong,
i Pasion hing phalsah na Chiang
ban lam sukha lou ding a pilvang
ding leh kisu siengthou ding
in i kisa ding uhi. Tuni hun in
Khristian gamgi pel a gamtang
kha zousie te Khross silbawl
theilou zang in Pasion in a itna
gamgi sung ah hing koilut kia leh
chi a deihuoi mama hi.

Mosi hun lai in Israel ten Pasion thupieh bang a siengthou zoulou ahiman ua Pasion kituopi ngamlou in a taisie ua, Mosi kungah, **'Nangman ka kung uah thu gen inlen ka ngai khe ding uh, hinanleh Pasion in vang ka kun guah thu genda mai heh, ka shi kha ding uh'**, achi uhi (*Exo. 20:19*). Tam Israel te bang in i ki suhsieng thou zoulou zieh un Pasion toh tuitah a kipawl theilou in, thu leh la te ban ah thumna te ah zong i tui zou nawn sih uhi. I sienthou zou lou chieng un, Hagau Siengthou khu eima ah a maingal in a teng thei sih hi. Tamte zieh in Pasion mizah ki hi theilou zel ana hizaw hi.

iii).

Pasion deilam bawl in : Pasion tuoh ding a mansa a um ding dan poimaw tah khu Pasion thu man ahia, I Mangpa Jesu'n ni nukhie thukhenni chieng a, a Pa deilam bawl miten tangtawn hinna a tan ding thu uh ana gen hi. I gam ah hagau mitna i sawm dah uh leh i tedan uh ettha ngai in a kilang hi. Thu leh la a tuinate, a kung a tuitah a thumthei na te a hoi mama lai in, tuate sang a poimaw zaw khu a thupiehte limsah a, ama deilam bawl khu ahi zaw

hi. **'Mangpa Mangpa hing chi zousie vangam a lut sih ding hi; hinanleh ka Pa van aum deilam bawlte bou khu a lut din uhi'** chi in zong i sim uhi (Mt. 7:21).

4. Thuzawna : Lei leh van bawl a, a tung a thunei na leh vaihawm zousie a khut a tawipa Pasion maituo ding in, a siemsa mihing ten chitna bangma i neisih chi i theisa uh ahi. Hinapi in ma kung tun theina lampi umsun khu a tapa Jesu Khrist ahia, tua a tapa khu i Pasion lungdamna mama ahiman in, JESU nei te a ding in Pasion kituopi ding zauhuoi hetlou a thanop huoi mama zaw dinghi. Tualeh, a siengthou Pasion kituopi ding in i mihing hina toh hithei ngailou ding ahilai ij, khelna neilou a tapa sisan in ahing silsiengta a, khiel nawnlou ding in Hagau Siengthou in a hing thuom zaw ta hi. Tuaziehin, khovel khelna leh sietna te lah apat ki susieng thou zel kawm in i Pasion deilam sem ding in i hinna i lankhe din guhi. Tambang a Jesu Khrist nei a, ama a kisuhsieng thou bang a ki susieng thou zing kawm a, i Pasion deilam i bawl zel leh, maingal tah in i Pasion i kituopi ngam ngei ngei ding uhi.

BE LE PHUNG UONGBAWL LOUB DING AHI

- Upa Suankhanmang

I tawndan, i chindan tuiloum suong bang a det dungzui a, nopni-dani a Inndongta toh vaihawm a koima thunouo i umlou kei a thusie-Lasie, luong-le-ban tung tanpha a thutanna siem thei ihi uhi. Tuabang chi-le-namte ihi lai un mihingte lungsim ah angma sielna lien deudeu in Be-le-phung pibawlna chi khat ahing kitu hi. Tambang chi hoilou zieh in be-le-phung a kituom huoina hin gum in tahsa leh hagaulam vaihawmna tanpha ahing zel zeuhzeuhta hi. Tambang chindan/tawndan dihlou lehi tawndan (custom) toh kituohloute tawpsan a i tawndan/chindan dungzui a umkhawm, tengkhawm ding khu i bieh Pasion dei dan ahizaw hi.

Laisiengthou ah, dan thupieh loupipen khu “Nangma na ki-it bang inna mi hinpite it in” chi ahi. Tuazieh ini tondan, i chindan toh kituoh a hinkhuo i man thei chieng un “sakhomi hina nei” i hi thei ding uhi. Aziehpén dan in mihingte a khelna uh kimusah ding leh Pasion mu ding in naunou kep in a hing kem hi. Tua i tawndan leh umziete gen va ui:-

- 1) Inndongta a, bepa leh jawlpa pen mituom phung dang/tang dang mi mat ding ahi. Aziehpén inndongta pen inntehpa be-leh-phung toh etden theilou ding ahia, thusie-lasie, be-le-phung toh vaihawmlou a inndongta vaihawmna ahi dan a theichienna ahi.
- 2) Man-leh-muol:- Zou upadi in numei khu “sum leh siel a leisa” numei khang mang ana chi hi. Sum ichipen inndongta sum ahia, (i) thatanman, (ii) Bangkaw sum, (iii) Pusum, (iv) Besum, (v) Jawlsumte

ahi. Numei khat a mouthaleh inndongta sum thatanman pieh masah teitei ahia, tua thatanman pieh zou a pat in numeipen a mouthana inndongtate mile-sa ahina ding a, tatkhietna sum ahi. Inndongta lite a pen sielkhum zu (mouzu) neh chieng in siel nga teng toh pieh khawm/sunkhawm thei ahi. Amabou thatanman sunni a zong zun thei ahia, inntehte chi dandan a sun zel ahia, tu-le-tu a inndongta sum Rs. 200/- chiet ahi.

INNDONGTA SUM UMZIE:-

Numei khang kisutlou “numei khang mang” chi umzie pen inndongta sum a tatkhiet ahizieh ahi. Anu leh apa inndongta a pat a amouthana ding inndongtaten ama uh innsung a tanu hiding a tatkhiet ahitah man in a pasal nu anu ahing hita a, apasal pa leh inndongtate apa leh inndongtate ahing hita uhi.

Tuazieh a, innsung nu khat in mitsin a tuoh Chiang a LCC in

pute hun achi leh apasal pienna pu ahiding a, sungte hun achileh a numei nuate ahi ding ahi. Anu apa kung a a umlai a apupen in a moutha a pusum a nehtah man in tawndan dungzui a, amapen a mouthana ah pu, dinmun a thei nawnsih ding hi

Chillai in, Pu suoh ni/sung suoh ni a um a numei tung ah, a pasal pu asuoh ding a, tuama bang in numei nualamte zong a suoh ding uhi, tua khu sungsuoh a kichi hi.

MOULAHNA:-

Numei man siel nga pieh ni khu mouzu-mousa neh ni sielkhumzu zong akichi hi. Kuonlam ten man leh muol siel akhum ua, nidanglai in manpen thumvei pieh a suo ua, aman a siel a khum teng un mouna in sahou khat zel a kipawsah a, tuchin numei moutha khat tung ah sa hou thum ana kipie hi. Sahou pei dan ah vohtal houpen hou khat in akisim a, bawng leh siele meipum akichi a hou khat khu houni in a kituot hi. Mouvanken pen custom dungzui a ken ahi.

Mou lahni a ibawldan custom toh kituohlou a igamatnate tambang ahi, mouphuol a sum a tatsah, mouvan kente sum a kitatsah mipi mai a puonzal kipieh tuo chite Zou ngaina hilou ahia, bawl vawtlou ding ahi. Mouhate hi in mou late hitaleh abawltuten kimang maw thei ahi. Danlou bang a gamtatna pen dan bawsietna ahia, dan bawsietna khu khelna ahi.

SAHOU TUNGTANG:-

Sahou pen sabeng sung ah kuonlamte theipina toh akim leh akimlou bepa tegel in a enchien un sabeng sun ah akikoi ding a, Zou puondum a saben sin ding ahi. Tua khu sabengsin a kichi hi.

Sahou a peilou sa teng innsung ah akihuon a, inndongtaten ane ding uhi, sa sungteng innmai ah mepoh in akihuon ding a tuapen tanusa akichi hi. Tanuten mepawh lah a huon ding innkuonlamte kung ah sa a ngen ding ua, kuonlamten ataiten khat akipe zel a, tua khu TANUSASAWH AKICHI HI.

Tuali a i bawldan uh dihlou ahileh anneh zou sabeng pei ding chieng a tanusadaw chi a saliang, samal, kinget pen, anneh zou a nget mawh pen ngaina hilou ahi. Tualeh sahou lah a samal, saling chite inndongtate lah a atang ding mi a umsa ahi. sataiten khatpen atang ding umlou ahi man a, ana kipe thei uh ahi. Sahou a ataiten khat chilou adang teng akim ngei ngei ding ahi. Aziehpem, m sahou batna a umleh zong batsanna a nei thei ahiman in Sahou kimlou a akinuakia leh, Sahou kina ding a ganta dinglai khat atha kia ngai ahi. Tuazieh a TANU SASAW ichipen SATAITEN khat china bang ahi.

SAHOU HAWMDAN:

Inndongte thukimna bang a sahoupem kihawm chieng a thei dia poimaw leh itawn dan dungau a, Tanu khatna, Nina, thumna, in

samal, salieng atante uh ama uh Satan ahi chia a utsieng lou ding uh ahi. Atung a igen Tanu 1, 2, 3 ten Nuguol a gimpi-atawlpite uh Nuguolsa chi in saba ahawm guol ding uh ahi.

Keima Satan chidan a, a satante uh ahawmguol sih uleh sep-le-bawl teng amateng in zoulou ding uh ahi man ua, Tanu khumi ni a agim-atawlte Nuguolsaba a atkhiet ua, apieh ding uh ahi.

Gangkawpa in anaute zi siel khatin apang ding a tuabang a apanna zousie ah salieng akai ding hi,

MOUTAM

Numei khat amoutha chiang a, Apasal Innsung mi-le-sa hing ding a, Apasal Inndongtate in atatkhiat uh ahi man a, Numei alutna Innsung mi-le-sa hina atangta hi. Tuazieh a amailam ding etna a, Moutam ahawm ahi.

Tam toh kisai a ibawl khel mama uh ahileh Mouhahna a Mouhate Tanute in Mouhatam dam a silpieh ilam-et uh a dih bawtlou ahi. Suolam a ni i tumsah toh kibang ahia, kiveipeina, ichi diei, pusa veimia ichi diei, zalmang siet toh kibang vawt custom bawsietna ahi.

Tuabang hun a tanu van deina lungtang neite Ngaina hilou ahi dan theisiem sah a, innten a pangkha Mouha zousie in bawl dinge mai bawl a bawllou dinge koiman maipha etna a bawllou ding ahi. Tawndan na jatat a na zuileh mihing gamtat ding bang a gamta nahi ding, Tawndan na zatat lou a umzie bei a na gantat leh ganhing gamtat dan a gamta na suoh ding hi.

TAWNDAN, CHINDAN, HINA
DIHTAH KITHEICHIENNA
AHIA, IHINA I ZATAT LEH
EIMA LEH EIMA KIZATAT
AHIA, SAKHUO MITNA AHI.

BIBLE STUDY

“NA THU KIGAWMKHAWM KHU THUTAH AHI”

(Sam 119:160)

Upa Khupsuankham
Contributing Editor

Laisiengthou in thudihtah agen man in, Laibu dangte sang in atungtuong zaw hi. Mihingte gel hileh agel utlou uh thu tampi zong akigiel hi. Dr. Lewis S. Chufer, Founder & Former Preisident, Dallas Theological Seminary USA in, “Laisiengthou mihing in agiel thei hileh agile utlou ding, gel ut hileh agel noplou ding” labu ahi ana chi hi. Dr. Josh MC Dowell inlah, Laisiengthou asung a mite khelnate alangtang in agen giaguo hi. Tulai a mihing tangthu kigelte sim lechin a hinkhuo uh amielna lampang liekhu,

peikan, hemkhie in ngaisahlou ding uhi. Laisienghou in vang tuabang in abawlsih a, ahina bangbang in athutahna toh agel lel ahi.

1. Noah: Hepina vang a ginna a hundam Gen. 6:8. Midih Gen. 6:9 a, Khanguolte lah a gensiet bei Gen. 6:9. Pasion toh umkhawm, Pasion ngaisah leh mihoi mama ahi. A thupina nawn sem a, ainnguon pite bitna Long a khumlutpa ahi, Gen. 7:1; 2Peter 2:5. Noah tangthu tuatan mai ah atawpsih a, Uain adawn a, akham a, tuachin puonbuh ah alupseta hi, chin zong kigiel hi Gen 9:20-21. Tulai mi hileh koiman gennamlou ding uhi!

2. Mosi: Angehlai a Pharo khut zauhuoina pat a kidangtah a hunbit ahi. Exo 2:1-10, Pasion in amite Aigupta saltanna apat a hunkhe ding a ahah ahi. Exo. 3:1 ff. Hasatna tampi lah a Pasion silbawltheina pieh toh Israelte hunkhie, Exo 14:1ff hatte “Manna” Van ann a vah hi. Exo 16:1ff apat in tuipawt in mite dangtah phasah hi. Exo.17:1ff Dan tuomtuom kimtah a petu ahi. Pasion in patatna sangpen pie in “Mosi pen leitung a mihing zousiete a ding a mi kingai ngiem pen achi hiel uhi. Num 12:3 bang zieh a tuolthat, “Suongpi nivei asat bang, Jordan kaanlou ding thu bang kigiel sese e”? Pasion laibu ahi zieh ahi. Tulai a mite kithei mawbawl ding thu ahi.

3. Abraham: Ginna a ipu uh Abraham tanchin ah nuo kia zuoi talei, Pasion hatna, amanaw ding lam theilou

a zuipa ahi. Gen 12:1; Heb. 11:8; Apeina mun ding ah Mangpa a ding in maitam asiem hi. Gen 12:7-8; 13:4 Lot toh akikhen ding kuon lai un Upa zaw, ahanzaw chilou a nina tel Gen 13:9 galhat hangsan Gen.14:1ff sawm-a-khat pemasapen ginna zieh a dih tahsah Gen.15:6 Vansawлтаhte leh Mangpa zintun Gen. 18:1ff Gomora khopite a thumsah hi. Pasion thuchiem tapa ngahzou. Gen 12:1ff tah a ngah atapa neisun Isak Pasion kung a lankhe ngam. Gen.. 22:1 “Pasion zie ngahzou 2 Kor. 20:7; Is. 41: 8; Jak 2:23 bang ding a azi “Ka sanggamnu ahi” nivei tah akichisah e? Gen. 12:10-16; 20:2ff tanei ding a zi thu amandan akigiel e? Gen. 12:10-16; 20:2ff ta nei ding a azi thu amandan akigiel sese e? Pasion thu ahi zchieh ahi.

4. David: Pasion in alungsim bangpuo mi azon a, amu khu David ahi. I Sam.13:14, Asanggam dangte kung a adei ateltuom a, kumpi ding a thaunil ahi. I Sam. 16:12, 18 mihing ngai a zaw guollou Goliatha thatzou pa I Sam. 17 alawchinh zieh a kumpi sawl in ahuet a tha asawm Pasion in ahumbit ahi. I Sam. 19:1ff BANG DING A Bethseba toh a aangkawm, Pilvang tah a Uria athana II Sam. 15:13ff Biehinn lam aphallouna thu kigel sese? I Kor. 22:8 Pasion lounal in agelsih ding hi.

Thuzawna: Tulai leitung ah mihing patat utna leh mite pahtawi a um utna lien sengseng in thutah khu akiphuolmang hi. Mishi zousie lah Vangam a kibawllut sieng hi. Koi

ahiei in thupisa a aphantat pen midangte a ding a giloupi, huot-huoipi asuoh thei hi. Mihing tanchin tam genlou in Pasion thu tamgen zawlei ajahnuom ding hi. Akkan-aval a mite maitangphat zong a-ut huoi tuonsih a, amot-huoipi khat zong a suoh lel hi. Ei tanchin Pasion in kheet

neilou a gel ding hitazen leh bang bang achi giel tama diei? “Silsiem chinteng Ama (Pasion) apat langlou malmal a umsih; itanchin ilutna ding mitmu ah vang bangkim saguoh tang leh kihongsa in a umzaw hi”. Heb. 4:13 chikhu achiente huoi silkhat ahi.

HATTUOM KIVAIHAWMNA (COMMITTEE/MEETING) CHIENG A UM DING DANTE

Rev. Dr. Hangpi Manlun

1).Thumapui.

Hattuom leh pawlpite vaihawmna khawlpki khu Meeting leh Committee chi a hat ahi. Meeting chi khu ‘kisuhtuona’ amaw ‘kimuna’ chi’n a kiletkhie thei ding hi. Committee chi khu eiham bang phiel in, i zangta ua, aumzie khu silbang e khat bawlding a mipi peikhawm china amaw, mipite tang a mitawm zawte peikhawmna chinate ahitangpi deu hi. Tualeh, Committee chi khu group lien zaw in, (kipawlkhawmna lienzaw) nnasem ding a, (silbawl khawm ding), a mi bangzat e khat a guot pawlte amaw, mi tamzawte sihle-tang a kikhawmte china ahi hi. Tuaziehin, Meeting leh Committee khu vaihawmna tungtawn a, thupuana siemtu pawl ahi uhi.

Ahin, i Hattuom in committee i neitam leh bawl zing vang un koima tualam a lamkai ding in, mite kiguot tuom leh i kizilsah tuom dieh sih uhi. A diehin, in ei Presbyterian hattuum pen mimal thuneina toh kipui huoi kihilou in, Committee leh Session a kipui huoi hattuumte i hi uhi. Tuabanah, ei hattuumte khu atangpi in hun chin a committee atou zingte, adieh a, kumtawp vaihawmna (Session) leh khawmpi khat-le-khat kikalte in zong committee local a kipatin General Assembly tan dong ah a sawng a sawng committee i nei tou peh uhi. Vaihawmna khun Hattuom pumpi a khaikhawm a,

apang khawm sah a, peidan ding leh bawl dingte agel a, apoimaw mama hi. Tuaziehin, committee/meeting khat pou pou a i pan chieng ua i um ding dan leh ham-le-pau zahding dante uh i kikum ding uhi.

7.2). Hattuom vaihawmna (Committee) umzie leh a tup-le-ngimte.

Thupuana khu committee/meeting ah siem ahileng a, tuaziehin, Committee member-ten, thupuana khu a siem leng uhi. Hattuom vaihawmna khu Hattuomte kipumkhatna ding a Pasionin a hattuumte kung a asilpieh ahi. Pasion i gintatna uh suhpichin na

ding leh Pasion lungsietna i dawn/tan theina mun khu hattuum vaihawmna tungtawn in ahileng hi. Pasion in zong Bible a i mu uh kivaihawmna tungtawn in, Amite kung ah ana kipulah leng hi. Tuabanah, tulai hun in zong hattuum kisolkalna leh vaihawmna khu Pasion deibang a vaihawmna ahinahpou leh Hattuumte vaihawmna thupuasahte khu Pasion thu bangin zong i ngai leng uhi. Tuaziehin, hattuumte vaihawmna khu vaihawmtute pilna leh lemtheina mai ah akinga sih a, Pasion deidan bang a vaihawmna ah akinga leng zaw hi.

Tuaziehin, hattuum vaihawmna mun khu mani letna leh lalna ding mun leh khat-le-khat kiniel leh kilang bawlna ding mun ahisih hi. Tuanah, sangin hattuum mite tahsa-le-hagau a khanletna ding u'leh pichinna ding ua vaihawmna mun uh ahizaw hi. Tualeh, Hattuumte sih-le-tang a vaihawmna ahiziehin, hattuumten tahsa-le-hagau a lawhna leh malam sawnna a neitheina ding uh a ngaituo zing ding uhi. Pawlpi/hattuumten a lawmpi a nna sem ding a thupuana siem/bawlna mun zong ahi hi. Tuaziehin, dihtah-le-hoitah a thupuana siem/bawl ding ahi. Tambang a thupuana siem ding memberte hat ahichiang un, member-ten tami thupuana khu mimal/mani chau thei ding (confidence) ahi chi thei zing in, innsung mite leh lawm-le-guolte kung pou a genthang ding ahisih hi.

Tualeh, committee khun

dinna zieh leh tup-le-ngimte a nei a, tua a siltupte khu member-ten suhlawchin a sawm ngei ding uhi. Committee lawching khu member-ten pankhawmna leh kipumkhatna ah nasatahin a kinga hi. Tualeh, thupuana nei a vai i hawm ding chieng un, tuhun maimai enlou in, dachieng hun leh khang hing um zel dingte tanpha enin vai i hawmsawm ding uhi. A ziehpen, tuhun a ding a hoi a kilang malam hun chieng a hoi louthei ding thu puosahna bawlthei ahi hi.

7.3). Agenda siem ding dan.

Agenda khu eiham hisihnan leh zong, eiham bangin i zangta ua, 'agenda' chi khu 'vaihawmna ding a gelkchieh' china ahi hi. Vaihawm ding khu kituohtah a lepkhawm angai hi. Thu kibang leh genkhawmthei dingte khu koi khawm ding ahi hi. Tualeh, Khawmpi leh Committee-ten thu ngaituo ding (agenda) khu Secretary-ten, Executive Secretary-ten angaituo ding ua, tuachin, Moderator/Chairman/Leaderte toh zong a kikum masa leng ding uhi. Meeting masa a akia chieng a gen ding a thu nuasiet aum leh gen masah ding a koi ding ahi. Secretary leh Chairman-ten committee a gel ding a ngai asahte uh agenda a jausah a, ahin tuolsung committee member-ten, amun ah agenda apekhawm thei uhi. Meeting lien leh poimawte ah khun agenda genkhawm dingte memberte amahil leng uhi. Ahin, committee chieng a gen ding dante ma kikap leh kicampaign vang

Manggam nnasepna ah chin ding ahisih hi. Tualeh, committee khen khat ah khun agenda khat genkhawm hun ding a koi khawl uhi. Atangpiin, minute 3-5 tan bang a koi uhi.

7.4). Agenda kizawm ding dante.:
Vaihawm dingte hawna leh member-te lawplutna Chairman/Moderator in aneimasah ding ahi. Member-a jau theiloute kingetna aum leh member-te kung a gen khieh ding ahi. Mun khen khat ah khun meeting masa a, thupusahte uh simkhiehna zong a nei leng uhi. Report simkhieh leh genkhawmna leh a kul-le-poimaw dung zui a sum din munte reportna nei ding ahi. Meeting kia hun ding khu alemtang leh ma guotkhawlin Chairman in a puong ding hi. Tuabanah, vaihawmna khahna nei ding chieng in member-te khu ding in, Chairman leh Secretary-ten suoi akaiding ua thumna toh zaw zel ding ahi.

7.5). Meeting/Committee khu hattuumte hagau etkolna ahi.
Awle, mi khen khatte khun committee khu hagaulam thu hikhalou chi a ngaiin, jau nuom lou pawl bang a umthei leng uhi. Amaute khu kihagau misah in, hattuum vaihawmna khu tahsa sil in angai un panlou ding chibangin ngaidan anei uhi. Tuabang, mite khun mite vaihawmna bang anua soisel leh adem thei uhi. Ahin, Committee khu gingtute hagau lam enkolna khat ahi a, bangzata in crusade leh revivalte nei in lawching nan lei zong hattuum

kivaihawmna leh kietkolna a hoi sih leh i Hattuum un ahoilaw in ahah law thei sih ding uhi.

Tuaziehin, ahitheitan a pan a ahoilou laite siemphat sawm a hagau mitah a zong vaihawmthei ahi. Hattuum leh Organization tuomtuom ah vaihawmna (Administration) ahoilou chiengin, tua hattuum/pawlpi khu ahahding bang tah in ahahthei sih hi. Tuaziehin, vaihawmna khu Pasian thu leh hagau thu ahichi thei kawm a lungluttah a pan khu pawlpi chidamna khat ahi. Tuabanah, hattuum vaihawmna piching leh hoi leh kitup tah umna mun ah tahsa-le-hagau ah malam sawna a um leng zel hi.

7.6). Committee member-te bawl dingte.

7.6.i). Mimal ah.

Member-te khu vaihawmna muna mite thugen ngaikhie mai khu a bawl ding uh ahisih a, committee a ding a, phattuum theina ding un, a theisiemlou khah uh aum leh a dong chien ding uhi. Na ngaidan na gen hun chiengin, committee silbawl ah na satan na thei chien pan giap ding hi. Member chinten a bawl ding ua kilawm a thei chieng chau un, committee a lawching pan ding hi.

7.6.ii). Sepkhawmna.

Committee member-te lung kituohtah a a sepkhawm chieng un, committee khu a hatin, a sepdingte uh zong lawching tahin a semthei ding uhi. Sepkhawm siem khu a

poimaw mama a, committee hatna bulpi pen khu mimal ah a kinga sih a, sepkhawm siemna ah nasatahin a kingaw zaw leng hi.

Tualeh, sepkhawm siemna bulpi khu midangte aw ngaikhiehsah a, member-te, kizatattuona committee khu anuom in a zangkhai a, sepkhawmna zong a nuom mama hi. Committee mun a na ngaidan na genkhieh chiengin, midangte ngaidan a hoi zaw ding chi thei ding khawpin thu na gen ding hi. I manghil lou ding uh thu khu member-te i kipanpituo ding i hidan uh ahi. Tualeh, midangte panpi dan hoitah khat ahileh zatatah a angidan uh na ngaikhiehsah ahi. I ngaidante uh a kibah sihtah leh zong lungthah a kiniel mai lou ding ahi. Mimal tah a kiniel mai khu sil kilawnlou leh committee peidan toh nasatahin a kikal china ahi.

7.7). Committee lawching nei thei ding dante.

Hattuom committee lawching leh hoi khu bang chi bangte e chi khu a tangpi in i sui ding uhi.

7.7.i). Kithutuohna ahi.

Committee lawching leh hoi khu member-te tawm leh tam ah a kinga sih hi. Mi khenkhat ten mitam ding a ngaipoi maw ua, hinanleh kithutuohna khu apoimaw zaw mama hi. Mi tamin kithutuoh thei lei vang, tepi ding aum sih hi. Mi tawmnou khat zong kithutuoh lou thei ahi a, hinanleh atamte khu kithutuoh lou abailam in azau huoi

dieh zaw hi. Tualeh, committee-te a kithu tuoh chieng un, hattuom a nuomin a masawn leng hi.

Tualeh, kithutuohna zong chini in a khenthei ding a, ahoilam a kithu tuohna leh ahoilou lam a kithu tuohnate ahi uhi. Etsahna ding in, a hoilou lam a kithutuohna khu Khawmpi leh committee ten zui ding a thupuasah a neite uh niel kal ding a, kithutuoh mai khu hattuom a ding in, kithutuohna dih lou china ahi hi. Ahin, silhoi bawl ding a, kithutuohna khu hattuomte a ding a zong hatnale-malam sawnna ahi ding hi. Bible in kithoina sang in thuman ahoi zaw a chi khu i tup-le- i ngim uh ahi zing ding ahi.

7.7.ii). Meeting/Committee member-te kigintat tuona.

Committee khat pou pou a, pangthei i hi leh thuguh kemsiem mi i hiding uh ahi. A diehin, sahkhuo lamkaite i pilvang mama ding uh ahi. Tami umzie, ahileh puohkhawm ding a um leh lungsim mun khat a puo in a puokhawm ua, koima a kilep leh taisie tuom i um sih ding uhi. Tualeh, Committee a i thupuasah leh thu kikapnate u'khu hotel dung vel, innsung leh mite kung a gen thang mailou ding ahi. Eitepen, Pasian thuguh enkol-le-kemtute i hizieh un, thuguh khu i kepsiem mama ding uh hi. Committee member khat hiding a, guot a umte khu mite gintat leh muon ngam hi angai ding hi. Committee na thu kigente khu mun dang a, genlou dingte gen leng (thuguh kem theilou) a um leh miten

a gingta sih ding uh a, zong thu hamsate azahna uah a gen ngam sih ding uhi. Tualeh, puohkhawm ding aum chieng a, alawmte siel phou sawm a kisasa/lepan ching a um leh zong vaihawmna a hamsat law ding hi. A bawlte lah a pang nuom ngal, khuna mawpuoh ding a um chieng a puohpi ngam loute'n lawmte asugim un asuhasa mama leng uhi. A mawpuoh i ngap lou leh a bawltu lah a pan lou mai ding ahi.

7.8). Hattuum vaihawmna a lungsim puoh ding dante.

7.8.i). I gensa bangun, Pasian khu Vaihawmtu Pasian ahi a, Amite enkolin angaisah leng hi. Vaihawmna khu Mangpa a ahiziehin, vaihawm ding a hing peikhawmte khun Pasian din mun a luo bang un angaithei hi. Tuaziehin, vaihawmna mun khu mani kisuhletna mun ding hilouin, Pasian loupai dan suhlatna mun ding ahi.

7.8.ii). Pasian mite hoina ding a vaihawm ding ahi a, mite hinkhuo suliemtu hilou ham sawm ding ahi. Tuanah, sangin vaihawmna tungtawnin, mite hagau lam vah leh chawm zawh ding ahi.

7.8.iii). Vaihawmtute khun mite talent thei in, tualeh i mite talent supung ding leh manphatah a azahtheina ding ua panpi ding ahi.

7.8.iv). Vaihawmna ah khun huoi hamna leh sihnei langnei a vaihawm ding ahisih hi. Tuanah sangin, lungsietna zieh a dihtah a vaihawm

ahichien, mite adou dal ngam tahtah sih uhi.

7.9). Hattuum vaihawmna a hamkam zah ding dante.

Vaihawmna hamkam chi vang atuom in umsih nanlehzong hamdan kilawm leh nemtah a awte zah ding china ahideu pen hi. Tuaziehin, member-ten vaihawmna mun a hamkam zah ding dante i gen ding uhi. Chairman in genna ding hun ahawn masang a din lou ding ahi. Thugen ding a din chieng a Pu Chairman/Moderator/Leader/Chairperson chite a hatmasah ding ahi. Tualeh, agenda kal ding a thugen i sawmtah leh zong agenda hingpote kung a kipahtu gen masah ding ahi. Tuami nua a i deidante khu tawmkimtah a gen ding ahi. Hun i sauzah leh member dangte a ding in, hun i khen sih uh china khat ahiziehin, tuakhu sil kilawmlou tah khat ahi hi. Pasian vaihawmna khu Pasian deina bang tah a gel ding ahiziehin, eima ngaidan hing pompi thei loute zong theichien thei ding leh aw nemtah zah ding ahi. Mani hamphatna leh ngaidante subpichin sawmtah luotna lah a pat a pilvan ding ahi.

7.10). Thu i kikap chieng un lungsim tahtah leh ngaisutna seng zenin kikum va-ui.

Awle, Committee leh Meeting khat pou pou a i panchieng un, amasapen in mite mitmei vengzing kawmin a i um sawm ding uhi. Tualeh, agenda khat ang kigen chieng in dingpai pelpol louin, athukhu i ngaituo masa

detdet ding uhi. Thu khat pou pou i kikap chieng un i thulu (agenda) ma thupi ngaisut a, agenda pulam leh utut teng moh gen thanglou ding ahi. Thamlouin, agenda khat ading tam pen a panlou hamsawm a, en i genlou leh kikhelthei ding ahisihnapou leh migen sasa zong vagen khellou zong akhohsih hi.

Tuabanah, thu saupipi gen leh i agenda loupi soigen leh utut in i gen zel jul sih ding uhi. Tualeh, chiemmui bawl chite, thu khat pou pou neu ngaituo chite, mite taihil leh thupi simlou chite nei sih va-ui. Tuabanah, kithupisahna kamteng leh atheipen bang a thu gen lou a kingiem khiehtah a gen zoh ding ahi. Thu pen ahun-le-amun zil in athupi ahi. I thu toh kisai hoi i sahna, hoi lou i sahlounate, i muna, i theina, i deina, i deilouna, i thukimna/thukimlounate i lawm i guolte theithei ding a kam dam toh i gen ding uh ahi. Tualeh, aw sang jah, lungthah akitom, nuahtai chite i bawl sih ding uhi. Tualeh, thu kikap laitah a ham/paulou a, ngaidan zong genlou a, tawp chieng a keipen in i thupuasah uh hoisa sing, thukim vawt sing, kei hoisahna tambang hi chin nua gengen sih va-ui. I gen nuomte khu agen hun agen ding ahi. Thu kikap chieng a lungsim thepnei, lungsim koi leh naupang bang a helna lungsim i neite paikhia in, hoi i sahnate gawmkhawm in, kikum lei hing hoi ding hi. Tua hileh i tup-le-ngimnate kitang tun thei giap ding hi. Tualeh, committee leh meeting

sung a na ihmud mai leh tawpkal naupang bang a ngahla chite zong i ching sih ding uhi.

7.11). Thu khat pou pou atamzaw hoisahna leh thukimna toh khen sat va-ui.

Mihingte thu leh vai ahizong in i minam vai, i pawlpi sung vai i gam i leitungvai hita leh zong i kikap chieng un, eima deidan tang tun sah teitei sawmnate, eima ngaidan beh thupisah luotnate, minthan utnate, ang sung khuolnate, tawpsan in atam jaw deinate jui sawm in vai i hawm zaw ding uhi. Tuabang, i hithei lou ziehun tahsale-hagau a i kivaihawmnate ah i masawn un i khangthei sih uhi. Vaihawmna khat pou pou atamzaw deina toh kalsuon in vaihawm lei kikhangtuo teitei ding hi. Tualeh, lamkai khat i hizieh a mani deidan leh ngaidan sum kuong chieng kei mailouin, atamzaw deidan zuithei ding a i um ding uh ahi. Tuabanah, Pawlpi khat vaihawmnate khu mimal minphatna ding, maipha suina leh nnasep silbawl bang in i la in i ngaisih ding uhi. Thamlouin, i tungtang thu akigen leh agentupa/nu khu galbawl leh ngaw mailouin committee lemsah ahi chin i ngaituo ding uhi. Nidanglain, Unau Mizo Pastor khat a hattuumte un singtang lam gamla deu mai khat ah a transfer ua, atate lungthahin koi e agentu chia vua ding bangphiel a asawm laiun Pastorpan, “Committee-te gen leh lemsah ahi chin” atate ahantawn akichi hi. Eite pen Committee

thupuasah hizong leh mimal khat tung a lungthah leh ngawnte i tawp san uh ahunta hi. Tualeh, lamkaiten zong vaihawmna thu kigente khu midangte maipha suina neisawm mai a keima hing guot leh gensah chite a i pawlpi min a nna kisemte khu a credit i lahsawm lou ham ding uh ahi. Thupina khu Pasian leh pawlpi pejaw va-ui.

7.12). Committee Thu det dou.

Thu det chi khun hattuom vaihawmna a dih lou chieng a zong siemlou kitan nuom vawt lou china ahisih hi. Mani thugente zui lou a phel zungzung mi i hileh miten ang gingta sih ding ua, puitu gin um i hingai sih ding uhi. Committee thudet lou khu Committee hoi ahi thei ngai sih hi. Bang lam ah zong lamkai thu tah lou in mite akem zou ngai sih a; zong akem lungkim thei sih hi. Thudet chi pen khautah mai ahiei, fel taluo china ahidieh sih a, khuchi bangte khu koiman hoi asa thei ngai sih hi. I gennuom pen khu ahun tah leh athu bang tah a din det a zaizaw lou ding china ahipen mai hi. Committee in hoitah a angaituo a asuh puo tah nua khu bang chi zong ahiei a, bawltha sawm a panlah khu aphatuom sih ding chi miten thei u'hen len, lamkaite khu a zaizaw ahiei aduoldap ahiei leh phunnawina zieh a thu puosahte moh siem lam dang thei ahinon sih chi a thudihtah apan mai ding uh ahi.

Tualeh, thudet dou chivang a, Hattuom mite hagau suliem ding khop khautah mai a vaihawm ding

china ahidieh sih hi. Tualeh, hattuom vaihawmna in atup khu thuo ni ahi a- 'Hattuom venbitna leh bawtsetute hoi na ding suina ahi hi'. Tamnah, achang chieng in, bawtsetute mitmei veng kinei a, Hattuom venbitna phuhkeh abailam leng hi. Tualeh, hattuom dinga hoi ding leh susie dingte siem phat na ding hi ngei a i theite bou khu bawl giap ding ahi a, tuanah khun lung kituoh tah a din det ding ahi hi.

7.13). Mipite etdan hun toh siem ding ahi.

Committee in Hattuom sukhang dingte, suguitung dingte, pei ding dan siem sahte, kikepbit na dingte leh hattuomte bawl ding bangbang a hieite agel ding uhi. Tualeh, vantang mitmei enkawm in, akigen tapou pomzau tuonlou a ahun tawh a hindan siem ahoi ahi. Vantang khu deh tahlut ding ahi sih a, azia u'zong ngailuot ding zong ahi sih hi. Hattuom ding a hoite mai en a, detdou tah a pei ding ahizaw hi.

7.14). Hunchiem nei a committee kikhop. Hattuom khenkhat in hunchiem nei in Committee ahan ua, bawl ding aumte diesawt ahiei, ngaineptah a umseh chite anei ngai sih uhi. Ahun tah a bangkim bawl zel ziehun, Hattuom in a navah law mama hi. Committee a pilvang lou ua, abil van sih u'leh Hattuom atuontuol law in a amelsiet law leng hi.

Hachin chinin hunchiem zel ah kikhawm henlen, thu lel ding

a um lou chieng in zong suitawm sam louin, thum khawmna leh aphatuom thei silte genkhawm nan mang u'henlen, member-te lungsim kichimat sah in, Hattuum siltup akul dan leh tawn dante theidan zong akiguol ding hi.

7.15). Committee bit tah.

Hattuum basap/lusuh lai, bawlsietute leh takhieltute atam lai a um leng a, bangbangte zieh ahieite in hamsat-le-buoina ang um zel leng hi. Hinanleh, Hattuum khawlp, Committee khu ginum tah leh bit tah a adindet pou leh Pasian in nna asephun, lungdong lou a ngah mai ding leh nget mai ding ahi hi. Committee ginum leh bit taha a peizel pou leh khumin Pasian panpi na in pui hoi hun hing nei mai van, gingtuten zong ang zui mai ding uhi.

Mangbat ziehin mite puihoina dingin bangbang ahiei guot ding ahi sih, ahoi suoh lou ding khat i guot kha ding uhi. A dihtah a pei a Pasian puina nasatah a nget mai zawh ding ahi hi.

7.16). Bieltu Pastor toh kithuzah zing ding ahi.

Committee khu pumkhat ahizing a kul bangin, bieltu Pastor toh zong kithuzah zing apoimaw a, a diehin, i gam uah pastor a tawm ziehin, tamkhu a poimaw dan zong theipha louin i ngainep khah ding uh a zau um mama hi. Tambang a asie apha a kithuzah zing khu bieltu pastor a ding in, anavah huoi a, Upate leh hattuum a ding in zong a hatlaw

leng uhi.

7.17). Vaihawmna ah member zousie apoimaw uhi.

Vaihawmna ah khun member-ten zalen tah in ngaidan a gen thei ua, vote kibang chiet in a nei uhi. Vaihawmna a ngai poimaw ua, a ngaisah a, a bawl maimai ngai sih uhi. Khawmpi a genkhawmna ah kilungtuohna a umlouleh vote la-in a tamzaw (majority) dei dan ah thupuasah ahi zel a, tuakhu atawm zawlam in zong lungdam tah in apom siem mai zel uhi. Committee-ah khun vote lalou in kilungtuohna bang zel a thupuasah zel khu ahoi pen ahi hi. Tambang a vaihawm khawmna leh thupuasah siem zel ahizieh in member chinte mawpuohna a sang mama hi. Thu hamsa ah khun atamzawte deidan thupuasah siem mai lou in, hun dangah ngaituo kia dingin akikoi zel hi. Policy tha, thupuana siem ngal lemtang lou zong thu tha ngaituo kia ding (notice of motion) bang a koi ahi zel ahi.

Thuneina, kizatatsah tuo khu Presbyterian Hattuum peidan poimawtah ahi. Kalsuondan feltah (proper channel) a sil bawl a ngai poimaw hi. Ngaituo tou zel ding thu umte khu vaihawmna nuoinung zaw apat in atung chet a vaihawmna ah a tut tou zel hi. Sil poimaw dieh ahilouleh vaihawmna kalbi khat kansan in asang a sangzaw ah thu peisuoh sah ahi ngaisih hi. Gentena'n, district/biel in Prebytery kansan

in Synod Executice Committee leh Synod ah thu thelut lou in, Presbytery tawn in athelut ding ahi hi. Anuoinung pen (tuolsung) apat a, asangpen (General Assembly) tan in mawpuohna feltah nei in akizopsuoh a, abang pen hitaleh amautang a ding thei ahisih ua, a kipoimaw tuo chiet uhi. Tuaziehin, thuneina akizatat sah tuo uh a poimaw chiet ahidan uh kitheih uhi. Vaihawmna sangzaw hinanleh, anuoi a te'n ahoiding gelna a ahitheih bang chiet ua asaite u'khu bangmalou in asuhbei pieh ngai sih ua, poimaw ahileh ngaituo kia dingin akihil zaw uhi. Mimal in zong khawmpi leh committe thusuote khu angai poimaw a, zui ngei dingin angaituo uhi. Sil hoilou banga atheite khu ngaituo tha kia dingin tuolsung hattuum Committee ah atat zel uhi. Khawmpi leh committee thusuoh dou dal leh zui utlou khu Presbyterian Hattuum peidan toh kituoh lou ahi.

7.18). Khat-le-khatte kithupi simna leh kizatattua va-ui.

Vaihawmna khat pou pou a i panchieng un i bawn un akibang i hiam manghil louin i kizatattua ding uhi. Thamlouin, i lawm i guolte thugen khu hoitahin i ngaikhiehsah ding uhi. Tualeh, i lawmte leh ei ngaidan akibahsihtah leh zong thakhat thu pongsel mai sih ding uhi. Etsahna ding Amanu/pa/member zatathuoi in hichin gen zong leh amangaidan hoilou china hipongsanna hilou in, kei ngaidan in hichi jaw leh chilei miten zathada lou ding uhi. Musitna ham teng leh

nuoisiana kam tengte khu miten jada in thuohtheih sih uhi. Tuaziehin, hamzah dan pilvang in i guolte jahnop ding kamengte jang lei pichin huoi mama ding hi.

7.19). Kithumanna thupi ngai sut va-ui.

Mi pawl khatte in makaite thumanna pen mipahlouna, guol lel na, fellouna, kisimawna, mi nuoi a umna, neuna pou i sakha leng uhi. Tuabang a lamkai vaihawmte thu manglou a niel in, hankhum gopnate pen, hangsanna, pilna, thutheina, guol tungtuonna dan khatin i mu un i patat bawl kha zel leng uhi. Tuanah, sangin, i hattuum pawllpite kikal ah zong khat-le-khat kithupi sim in, kithuman lei i hattuum leh biehnate ah zong tusangin, i khangtou zaw ding uhi. Gam khangtou leh minam khangtoute khun alamkaite uh thu uh amangun akituoh ua, tuachin Hattuum khangtou leh kituohthe ahitangpi uhi.

7.20). Committee khat pou pou a i lawm i guol toh i ngaidan akibah sihtah leh zong kimuda mai sih va-ui.

Committee masang a campaing mabawl a mite thugen ding dante mahil/gen leh tup-le-ngim neisa i umlou ding uh ahi. Tualeh, vaihawmna khat pou pou a i panchieng ua, i lawm i guolte toh i ngaidan akibah sih leh zong mite pong mudamai louin i ngaidan kituohlou ahigiap a ei mimal a kimudan chite i ching sih ding uhi. A thu i kihausah/nielsah ding ua,

eima mimal vang i kihuot leh i kihau koilou ding uh ahi. Tambang, i umthei chieng un mipi ching i hitheipan giap ding uhi. Tualeh, akhente khun i muda leh kituohpi lou khat in bangchi bang in thuhoi gen leh zong selkchieh sawm teitei chite zong naupan vai leh pichinloua chi khat ahi kia hi. Tuaziehin, mimal tah a i kumudana leh theisiemloua umkhate khu pawlpi leh committee na mun vel a phuba kilahna i neilou ding uh ahi.

7.21). Kimai etna, u-le-nau, tu-le-ta leh be-le-phung vai toh vaihawmlou ding ahi.

Tualeh, committee leh meeting a i panchieng un lamkaite mai et leh be-le-phung vai a vaihawm lou ding ahi. Tulai a dahuoi mama khat ahileh thudihlou theina zenpi a ahuntah a gen ngamlou chite khu duhdahlouna chi khat ahi. Hattuum-le-pawlpi khat in sih-le-tang a ang guot/sawl chieng un i hattuum dan-le-dun leh hinata i gup tinten mai ding uh ahi. Koi e khat mai et leh amitmawna uh gen ngamlou ding khop a mikhat sakhou (pocket) a i saltanlou ding uh ahi. Pasion deina bang e chi ngaituo kawm a adihlou hia i theite pen hangsan tah i gen ngam ding uhi. Tambang a Upa lamkaite i ding ngamlouna in hattuum vaihawmnate zong khawvel politics vaihawmnate sang in anieh zaw leh gen leh sah ding tampi ang umthei leng hi.

7.22). Committee-na mun: Ahitheitan ah Committee na munpen

Biehinn sung, Pastor Quarter umna munte ah zah ding ahi. Mimal inn vel a committee khat pou pou neilou ding ahi. Ahitheileh member chinte kimatheisah zel ding ahi.

7.23). Akhumsitna.

A bangteng hileh zong Meeting/ Committee khat pou pou a i pan a atamzaw deina bang vai i hawm nua-un, i lemsahpina khut i tun nua-un hoi in hoi sih leh zong i thupuasah mama khu i gup tinten mai ding uh ahi. Tamkhu, pichin vai leh lamkai chitna khat ahi. Eima thupuasah sah khu anua deilou a complain bawl mai khu silchin ding in ahoisih hi. I Khut tuna leh suoikaina u'khu i gup tinten ding uh ahi. Tuaban ah groupism chite leh lang nei sih nei a thu i genlou ua, vai zong i hawmlou ding uh ahi. Adiehin, Pasion gam vaihawmna ah silzousie vawmpi satu a tumailouin, eisang in midangte hamphatna ding i ngaituo thei chieng un, tusang in i khangtouw jaw ding uhi. Tuaban ah, i thupuasah u'khu ahitheih ham leh tawp masanga secretary in khat vei teitei sim suohsah phot a adihlou lai umte khu siemphat zelzel ding ahi. Kimuong zieh leh kin zieh pou a i thupuasah nuasimlou mai khu bawlkheltheina tampi aum thei hi.

Atawpnapen ah khun, Hattuum Committee hoi khu thum zing kawmin Pasion deidan lam a, Hattuum pui sawm a, taimatah leh kithutuhtah a sepsawm zingtute ahi uh chi i manghil sih ding uhi.

KHOCHIN SAWMAKHAT LUT DAN

Central District	62,45,438
Aina	2,90,850
Awnchinkap Khuo	82,391
Central Church	32,02,807
Hatching Sion	67,455
Manniang Khuo	1,57,052
Nungshai	23,700
Sabuol	42,730
Tuilaphai	59,770
Zomi Colony	23,18,683
Lentang District	31,72,894
Bohloi	36,450
LDCC Hiangzou	3,01,716
New Zoveng	40,957
T Daijang	2,37,198
Tuibuong	24,80,284
Zoumunnuom	76,289
Lamka District	76,15,083
D Phailian	1,18,240
Immanuel Khopi	6,26,275
Kanan Veng	9,73,444
Lailam Veng	36,63,880
M Muoltam	97,330
P Khupgou Veng	5,350
Thingkangphai	9,74,298
Tongdam	7,89,743
V Bethel	1,10,083
Zomi Bethel	2,29,630
Zoumun	26,810
Imphal District	23,05,256
Imphal	23,05,256
Tuining District	9,61,805
Kuvan	21,480
PN Khovong	1,21,773
Sangaikot	41,080
Tuining	6,86,302
Zomi Zion	91,170

Suolam District	9,27,478
Moreh Gamnuom	39,050
Moreh MEP	45,557
P Salem	44,000
Sugnu	7,78,561
T Zion	20,310
Gunpang District	11,12,204
L Gangpimuol	71,726
M Khawluol	85,032
N Khaukuol	2,33,280
Saiboh	63,690
Talnuom	24,365
Teisajang	1,90,505
T Munnuom	4,43,606
Singngat District	21,45,685
Hiangtam K	78,515
Maukot	1,20,934
Mawngken	49,065
Munpi	11,420
Muoljin	27,180
P Suohzahau	15,390
Singngat	7,28,902
S Muvanlai	46,361
Suongkuong	56,420
S Vengnuom	1,82,813
Tangpijol	4,30,595
Tuimajang	15,300
Zoukhonuom	3,82,790
Zoutang District	11,11,561
Belpuon	1,48,500
Buhsau	36,128
Buongmun Lamkhai	12,235
Hiangmuol	49,120
M Buongmun	89,850
Muollum	6,94,378
T Khajang	81,350

Tuivai District	8,39,054
Behiangjang	2,96,723
Behiangtung	10,000
Hiangtam B	3,36,628
Hiangtamjang	1,59,773
Lunjang	24,330
Tonjang	11,600

Outside State & Mission Fields	37,28,939
Bengaluru	6,80,912
Chennai	1,76,985
Delhi	16,89,090
Mangjing	39,450
Paspati	4,800
Shillong	11,37,702
Total	3,01,65,397

ZPYF Column:

Pasian mapina toh ZPYF in **HIGH SCHOOL** project I na nei uh khu Pasian hoina leh hattuum mipite tomngaina jal in pei hoi zel ahiman in Pasian min I phat uhi. Tualeh hattuum chin ah I tuohkhawm ding ua hing goutte Hattuumten Pasian nasepna I panlah dante I mu un kipah ua Mangpa hoina I tan zing zie un I lungdam uhi. Tu ha sung in Pasian ah kiphalnate LCCte apat in enkhe vai in hachin in tamlou lou in abih bih in en jel va ui :-

Khuo Min	Amounts
Awchinkhap Khuo LCC	30,000
Zoumunnuam LCC	6,000
Tuibuong LCC	70,000
Delhi LCC	100,000
Bengaluru LCC	20,000
Chennai LCC	10,000
Daijang LCC	5,000
Hiangtam LCC	5,000
Maukot LCC	1,000
Sugnu LCC	20,000
Lunjang LCC	1,000
Singngat LCC	20,000
Muallum LCC	5,000
Tuilaphai LCC	5,000
P.N.Khovung LCC	3,000
Tangpijol LCC	5,000
Moreh Gamnuamveng LCC	10,000

Moreh Ward-II LCC	15,000
Zomi-Colony LCC	40,000
Nungsai LCC	3,000
Behiangjang LCC	10,000
Kanaan veng LCC	10,000
Lailam veng LCC	30,000
L. Gangpimual LCC	2,000
Shillong LCC	80,000
Hiangtam(K) LCC	5,000
D.Phailian LCC	3,000
Imphal LCC	23,000
Manniang LCC	10,000
Belpuon LCC	1,000
Saiboh LCC	5,000
V.Bethel LCC	2,000
Thingkangphai LCC	30,000
Central Church LCC	50,000
Total	6,35,000

Tutan a ZPYF ah sum hing lutdante: Khanglaini Tuakhawm submitte :- Industry Submitte :-

Sl.no.	Min	Amount
1.	Bengaluru	2,000
2.	Chennai	2,000
3.	Delhi	5,000
4.	Tuivai Dist.	4,000
5.	Lamka Dist.	7,000
6	Total	20,000

No.	Min	Sum
1.	Tongdam PYF	1,351
2.	P.N.Khovung PYF	150
3.	Central Church PYF	1,320
4.	Zomi Colony PYF	675
5.	Bohlui PYF	495
6.	P. Salem PYF	670
7.	Delhi PYF	4,260
8.	Teiseljang PYF	800
9.	Chingmang PYF	150
10.	Chennai PYF	1,000
11.	Bengaluru PYF	2,740
12.	S. Vengnuam PYF	1,611
13.	Daijang PYF	1,174
14.	Behiangjang PYF	300
15.	Saiboh PYF	690
16.	Sabual PYF	235
17.	L. Gangpimual PYF	676
18.	Mata Mualtam PYF	220
19.	Shillong PYF	920
20.	Hiangtam (K) PYF	314
21.	V. bethel PYF	576
22.	Total	17,457

Kumpuon submitte :

Min	Copy return	Amount
Tuivai District	Nil	2,400
Gunpang District	Nil	1,800
Tuiningkuol Dist.	Nil	1,500
Central District	74	6,000
Lentang District	19	8,430
Total		20,130

Mangpan Khanglai hat leh fel hi zou zing dingin hing umpi zing ta hen.

Youth Co-ordinator ZPYF

ZPWF Column:

August ha sung a

TUNNU LIMBEL PANPINA PETE:

1. PWF LDCC Hiangzou Anntang Kg. 60
2. PWF Chingmang Khuo Anntang Kg. 40
3. PWF Mawngken Anntang Kg. 70
4. PWF Belpuon Rs. 500/-
5. P. Church V. Bethel- Tangmai 35, Mai 13, Vaimim 10, Lengthei 3, Behteh lom 5, Maite lom 2, Tangkha Kg.2, Behgul lom 2, MehnaL Lom 3, Tomato Kg 1, Balji lom 1, Bohbual Kg.2, Beh lom 5
6. P. Church Sabuol - Tangmai (84), Donpol (1), Tangkha (2), Anjang (Kg. 1), Bohbual (Kg. 5), Mai (7), Baal (Kg. 1) , Ansateh lom (1), Saap malta (Pava khat), MehnaL (Kg. 1) , Behgul lom (2) ,Lengmasel lom (1), Behteh lom (3), Anjangkha aliante ateh lom (2) , Louthuljung lom (6)
7. Nu Chiinhauniang, Lailamveng Rs. 3000/-
8. PWF Tonjang, Anntang tang Rs. 1200/-
9. Nu Manneimoi, Tuibuang (Pledge Card) Rs. 3000/-
10. Tv. Hauminlian, Central Church Rs. 12000/-
11. ZPC, Chennai Rs. 5000/-
12. PWF Nungshai Rs. 550/-
13. Nh. Nancy Hatneiching, V. Bethel Rs. 10,000/-
14. Pi Nuamzaniang, Shillong Rs. 500/-
15. Rev. Kapsuanthang, Singgat (Pledge Card) Rs. 500/-
16. Zomi Colony , Hausate Anntang Bag khat (1)
17. PWF Buhsau Anntang Kg. 50
18. PWF Hiangtam B Anntang Kg. 54
19. Tingneihat, T. Tangnuam Tangmai (27), Bohbual (Kg. 3)
20. Julia Lamnu, Awnchinkap khuo Rs. 2000/-
21. PWF Tuila Anntang Kg. 28
22. Nh. Paoniang, S. Cannan Veng Bohbual Kg. 8
23. Tv. Diamond, Lailam Veng Aatui plate 1, Pimpom packet 1
24. S. Munpi Anntang Kg. 50
25. T. Chiinneikim, Lailam Veng Anntang 1/2 Bag khat

.....

PATRON MEMBER-TE

- | | | | |
|---------------------------|------------------------------|-----------------------------|--------------------------------|
| 1. Upa Gouzamang | 2. Pu Hav. Khamchinkhup | 3. Pu Khamzalam | 4. Pu Chinzasuan |
| 5. (L) Upa Liansuanpau | 6. Pu Khamchinthang | 7. Pu S. Dalthang | 8. Upa Kapkhanthang |
| 9. Upa Langginmang | 10. Upa S. Nangkhanlal | 11. Pu S. Lamkthoang | 12. Upa Dr. M. Lachinkhai |
| 13. Upa Khamchinjam | 14. (L) Upa D.K. Manlun | 15. Upa Suankhanmang | 16. (L) Upa Khupgou |
| 17. Upa Chinkham | 18. Upa Ngulchinkham | 19. (L) Rev. V. Vungzalian | 20. Rev. Retd. Kamkhosoi |
| 21. Rev. Retd. Tualzachin | 22. Rev. (Rtd.) H. Nengzaton | 23. Rev. Awnkhanhup | 24. Rev. Dr. Hangpi Manlun Zou |
| 25. (L) Pu Tuanzapau | 26. (L) Rev. Ginchinjam | 27. (L) Rev. Khamzasuan | 28. Upa T. Lamkthoawng |
| 29. Upa Khaichinmang | 30. Rev. Stephen Chinzathang | 31. Pu Khupkhanmang | 32. Pu Khaidohlian |
| 33. (L) Hav. Khamzahang | 34. Pi Vungzanuam | 35. Pu T. Gouzadou | 36. Upa Liensuonkap |
| 37. Pi Zelkhochiin | 38. Pi Hatkhanvung | 39. (L) Pi Ngaihoiching | 40. Pi Mankhannieng |
| 41. Pu Goukhanmang | 42. Pi Chingzalam | 43. Pu S. Thianzakhai | 44. Pi Kamkhanching |
| 45. Pu Haukhanpau | 46. Pu Tuallianmang | 47. (L) Pu Dongkap | 48. (L) Pi Chingkhanmang |
| 49. Pi Donkhoneian | 50. Upa Henzakhup | 51. (L) Pu Saichinpau | 52. Pu Goumang |
| 53. (L) Upa Khamkhanhang | 54. Shie Laangkhanlal | 55. Pu Khamkhanlun | 56. Upa L. Tualkhanpau |
| 57. Upa Jamsianmung | 58. Upa Ginzadong | 59. Pu Kaizathang | 60. Pi Goizanuom |
| 61. Pi Thangneivah | 62. Pu Khamzathang | 63. Pi Donchin | 64. Upa Liankhanmang |
| 65. Pu Hauchinlun | 66. Pu T. S. Lal | 67. Pi Goichiin | 68. Pu T. Khupchinthang |
| 69. Upa T. Kaizalam | 70. Pu Paul Henkholal | 71. (L) Pu Soikham | 72. Rev. P.C. Manga |
| 73. Rev. Khamchinkhai | 74. Rev. Jamlianpau | 75. Rev. Chinzapau | 76. Rev. Retd. Kamkhozam |
| 77. Upa (L) Chinpu | 78. Pu Zamkhanthang | 79. Pu Chinglen | 80. Miss Chinhaunieng |
| 81. Upa P. K. Soia | 82. Pu Goukhai | 83. Pi Niangkhanmang | 84. Evan. Retd. G.L. Joshya |
| 85. Pi S. Chingkhanmang | 86. (L) Pu Vumchinkhup | 87. Upa Khaihenthang | 88. Upa T. C. Pau |
| 89. Upa Nengchinkap | 90. (L) Upa Jamkhongam | 91. Upa HT Manga | 92. Mrs. Vahkholhing |
| 93. Pu Hauliankap | 94. Pi Chinnu | 95. (L) Upa Ngulzakhai | 96. (L) Upa T. Gougin |
| 97. Pu Ginsuanhau | 98. Upa (L) Langminthang | 99. (L) Rev. David K. Samte | 100. Upa T.S.K. Samte |
| 101. Upa S.K. Khama | 102. Pu Jamkhopao | 103. Pu Thatthang Taithul | 104. Pu Kamkhankap |
| 105. Bhim Prasad Ghatani | 106. Rev. M. Kapsuanthang | 107. Nu Chingneikim | 108. Rev. Khupkhansuan |
| 109. Pi Mannuamching | 110. Rev. Kaimuanlal | 111. Upa Nengkhanlian | 112. Nh. Deborah Zou |
| 113. Pu T. Kuppa | 114. Rev. (L) Mangsuanthang | 115. (L) Pu Lamchinhou | 116. Upa Pauchinlel |
| 117. Nu Kimneihoi | 118. Upa Kamgenpau | 119. Nh. Niangsuannuam | 120. Nu Ngaikehanvung |
| 121. Pu P. Sanjiv Zou | 122. Upa M. Kaichinkham | 123. Upa T. Sianchinpau | 124. Upa Sianzahau |
| 125. Pu L. Thenkhosoi | 126. Pu Kamsuanhang | 127. Upa Th. Kaikholam | 128. Upa Lunchinthang |
| 129. Pu P. Tongthang Zou | 130. H. Nehzamang | 131. Pu Thangsuankhup | 132. Upa M. Kamzadou |
| 133. Pu Jamkholian Munlao | 134. Pu Sianzakhai | 135. Upa Thangginsuan | 136. Pu Kapminlun |
| 137. Pi Tingzavah | 138. Dr. M. Limlunthang Zou | | |

LIFE MEMBER-TE

- | | | |
|----------------------------|--------------------------|-----------------------|
| 01. Upa (L) T. Khupkhenpau | 02. (L) Pu M. Ginzahau | 03. (L) Pu Selzapau |
| 04. Pu L.C. Pautungnung | 05. (L) Pi Khamkhannieng | 06. Pi Ngaiunuom |
| 07. Upa Chinsuanthang | 08. Upa Shanti Kumar | 09. Pu Kamkhohau |
| 10. (L) Pu Khamkhohau | 11. Upa Khamzathang | 12. Upa Chinkhanthang |
| 13. Pu (L) Tongzathang | 14. Pi Chiinneilam | 15. Upa Kulthang |
| 16. H/Sm. Upa Kaichinpau | 17. Pi Niangzalam | 18. Upa P. Doukholun |
| 19. Pu Kapminlian | | |

Undivided

Please return to:

The Editor

KHRISTIAN TANGKOU

ZPCS Office, Zomi Colony

Churachandpur - 795 128

P. O. Box - 48, Manipur, India

Synod Office Telephone No. (03874) 235105

Website: zousynod.org | email: info@zousynod.org

zpcs@rediffmail.com/zousynod05@gmail.com

7a,
